

ა) პროგრამის სახელწოდება: ქართულად: სოციალური მუშაობა
ინგლისურად: Social Work

ბ) მისანიჭებელი კვალიფიკაცია: ქართულად: სოციალური მუშაობის მაგისტრი
ინგლისურად: Master of Social Work

გ) პროგრამის მოცულობა კრედიტებით: 120 კრედიტი

დ) სწავლების ენა: ქართული

ე) საგანმანათლებლო პროგრამის მიზანი, რომელიც მიმართულია სტუდენტის კომპეტენციების გამომუშავებასა და დასაქმების სფეროს განსაზღვრაზე: სოციალური მუშაობის სამაგისტრო პროგრამის მიზანი შესაძლებელია განისაზღვროს 3 დონეზე:

- აკადემიურ დონეზე პროგრამის მიზანია სტუდენტები უზრუნველყოს სოციალური მუშაობის პრაქტიკისთვის ფუნდამენტური დისციპლინების კრიტიკული ცოდნით და სოციალური მუშაობის პრაქტიკის თეორიული საფუძვლებით.
- პროფესიულ დონეზე პროგრამა მიზნად ისახავს მოამზადოს სტუდენტები იმ პროფესიული სტანდარტების შესაბამისად, რომლებიც მოეთხოვება სოციალური მუშაობის პრაქტიკას და რომლებიც შემუშავებულია საერთაშორისო და ადგილობრივი ვალიდური ინსტიტუციების მიერ.
- პროგრამის საბოლოო მიზანია, მიაღწიოს პროფესიული და აკადემიური სტანდარტების ინტეგრაციას და მოამზადოს კრიტიკული რეფლექსიის მქონე პრაქტიკოსი, რომელიც დაინტერესებულია განავითაროს თავისი პროფესიული უნარ-ჩვევები.

ვ) პროგრამაზე დაშვების წინაპირობა:

- მინიმუმ ბაკალავრის ხარისხი;
- საერთო სამაგისტრო გამოცდა;
- გამოცდა სოციალურ მუშაობაში;

ზ) სწავლის შედეგი: ცოდნა და გაცნობიერება - პროგრამის დასრულების შემდეგ სოციალური მუშაობის მაგისტრები დაეუფლებიან ღრმა ცოდნას თუ როგორ უნდა შეფასდეს ის, რაც აკონსტრუირებს სოციალური მუშაობის პრაქტიკას; გააცნობიერებენ პიროვნულ და პროფესიულ ღირებულებებს და მათ გავლენას იმ სამუშაოზე, რასაც სოციალური მუშაკი ასრულებს. ისინი ისწავლიან, თუ რა გავლენა შეიძლება ჰქონდეს სქესს, ასაკს, კლასობრივ კუთვნილებას, სექსუალობას, უნარშეზღუდულობას და სოციალურად სტრუქტურირებული განსხვავებების სხვა ფორმებს მათ პროფესიულ პრაქტიკაზე; ისწავლიან, თუ როგორ იმუშაონ ისე, რომ ხელი შეუწყონ სხვადასხვა სერვისის მომხმარებლის გაძლიერებას, რათა არ მოხდეს მათზე ზეწოლა და დისკრიმინაცია.

ცოდნის პრაქტიკაში გამოყენების უნარი - სოციალური მუშაობის მაგისტრები გამოიმუშავენ სოციალური მუშაობის პრაქტიკის სოციალური და პოლიტიკური კონტექსტის კრიტიკულ გაგებას, ასევე, შეიძენენ ჰოლისტური პრაქტიკის უნარ-ჩვევებს, რომელიც ინდივიდებს განიხილავს პლურალისტური საზოგადოების ფართო კონტექსტში; ისწავლიან, თუ როგორ მოახდინონ თეორიისა და პრაქტიკის ინტეგრირება სოციალურ მუშაობაში; ღრმად დაუფლებიან სოციალური მუშაობის ისეთ მეთოდებს, როგორცაა ჯგუფური მუშაობა, ოჯახებთან მუშაობა, ამოცანაზე ორიენტირებული სოციალური მუშაობა, კოგნიტური ბიჰევიორული მუშაობა და ა.შ. მათ ექნებათ შესაძლებლობა, რომ მოახდინონ ამ მეთოდების გამოყენება პრაქტიკის ორგანიზაციებში.

დასკვნის უნარი - მაგისტრატურის კურსდამთავრებულს შეეძლება, რომ სოციოლოგიური მონაცემების დამოუკიდებლად დამუშავებისა და გაანალიზების საფუძველზე გააკეთოს დასკვნები შესასწავლი პრობლემის არსის, მისი გადაჭრის გზების შესახებ.

კომუნიკაციის უნარი - მაგისტრატურის კურსდამთავრებულს შეეძლება კომუნიკაცია დაამყაროს როგორც ქართულ, ისევე უცხო ენაზე ყველა იმ ადამიანთან თუ ჯგუფთან, რომლებიც მისი კვლევის ობიექტს წარმოადგენენ (რესპონდენტები, ექსპერტები, სხვადასხვა სამიზნე ჯგუფების წარმომადგენლები და სხვ.). მას განვითარებული ექნება სოციალური უნარები, კერძოდ, შეეძლება ჯგუფური მუშაობა, მათ შორის, ინტერდისციპლინულ ჯგუფში მუშაობა.

სწავლის უნარი - მაგისტრი შეძლებს სწავლის დამოუკიდებლად წარმართვას და სწავლის პროცესის თავისებურებების გაცნობიერებას. სოციოლოგიის მაგისტრს შეეძლება, რომ მის მიერ ათვისებული ცოდნა და გამოცდილება გადასცეს სხვებს.

ღირებულებები, რომელსაც შეიძენენ პროგრამის დასრულების შემდეგ:

სოციალური მუშაობის მაგისტრები გააცნობიერებენ იმას, თუ რამდენად მნიშვნელოვანია, რომ განვითარდეს კლიენტზე ორიენტირებული პოლიტიკის გამომუშავება. მათ განუვითარდებათ უნარ-ჩვევები იმისა, თუ თავად როგორ განახორციელონ ღირსეული და ღირებულებებზე დაფუძნებული პრაქტიკა. ასეთ ღირებულებებს მიეკუთვნება:

- ✓ პროფესიული ეთიკის პრინციპების პატივისცემა;
- ✓ კვლევის ობიექტის (ადამიანები, ჯგუფები) უფლებების, პირველ რიგში, მათი ანონიმურობის დაცვა;
- ✓ პლაგიატის უარყოფა;
- ✓ ქსენოფობიური და ეთნოცენტრისტული დამოკიდებულებების უარყოფა; განსხვავებებისა და კულტურული მრავალფეროვნების დაფასება და პატივისცემა;

მაგისტრატურის კურსდამთავრებულს, აგრეთვე, გამომუშავებული ექნებათ **ზოგადი** (ტრანსფერული) უნარები: აბსტრაქტული აზროვნება, მოვლენათა კრიტიკული ანალიზი და სინთეზი, ახალი იდეების გენერირება, ცოდნის მუდმივი განახლება, სხვადასხვა

წყაროდან ინფორმაციის მოძიება და ანალიზი, დისკუსიის წარმართვა, საკუთარი ნაშრომისა და მოსაზრებების საჯარო წარდგენა და ა.შ.

თ) სწავლის შედეგების მიღწევის მეთოდები:

შედეგების მისაღწევად გამოყენებული იქნება სწავლებისა და სწავლის შემდეგი მეთოდები:

1. ვერბალური, ანუ ზეპირსიტყვიერი მეთოდი;
2. წიგნზე მუშაობის მეთოდი;
3. წერთი მუშაობის მეთოდი, რომელიც გულისხმობს შემდეგი სახის აქტივობებს: ამონაწერებისა და ჩანაწერების გაკეთება, მასალის დაკონსპექტება, თეზისების შედგენა, რეფერატის, ან ესეს შესრულება, და ა.შ.;
4. პრაქტიკული მეთოდები, რომლებიც სტუდენტს პრაქტიკულ უნარ-ჩვევებს ჩამოუყალიბებს: სასწავლო და პედაგოგიური პრაქტიკა, საველე მუშაობა და სხვ.

სწავლების პროცესში გამოყენებული იქნება, აგრეთვე, ისეთი მეთოდები, როგორცაა:

1. დისკუსია, დებატები;
2. ჯგუფური მუშაობა (cooperative/ collaborative);
3. პრობლემაზე დაფუძნებული სწავლება(PBL);
4. შემთხვევის ანალიზი;
5. გონებრივი იერიში (Brain storming);
6. ქმედებაზე ორიენტირებული სწავლება.

ი) სტუდენტის ცოდნის შეფასების სისტემა:

სტუდენტის გაწეული შრომის შეფასება ითვალისწინებს გარკვეულ თანაფარდობას შუალედურ შეფასებებსა და დასკვნითი გამოცდის შეფასებას შორის. თითოეული სასწავლო კურსის მაქსიმალური შეფასება ხორციელდება 100–ქულიანი სისტემით.

შუალედური შეფასებები შეიძლება დაეყრდნოს შემდეგ აქტივობებს:

- აქტიურობა სასემინარო, ან პრაქტიკულ მეცადინეობაზე;
- საკონტროლო სამუშაო;
- საპრეზენტაციოდ მომზადებული მოხსენება;
- წერთი და ზეპირი საშინაო დავალებები;
- შუალედური გამოცდა;
- საბოლოო გამოცდა და სხვა.

დაუშვებელია დასკვნითი გამოცდის შეფასება 40 ქულაზე მეტით.

კ) სასწავლო გეგმა, სწავლების ორგანიზების თავისებურებების მითითებით: სოციალური მუშაობის მაგისტრატურის სასწავლო გეგმა მთლიანობაში მოიცავს 120 ECTS კრედიტს

იხ. დანართი: სასწავლო გეგმა

ლ) პროგრამის ხელმძღვანელი: მარკ დოელი შეფილდ-ჰალამის უნივერსიტეტის (დიდი ბრიტანეთი) საპატიო პროფესორი

მ) დასაქმების სფეროები: სოციალური მუშაობის მაგისტრატურის კურსდამთავრებული კონკურენტუნარიანი იქნება როგორც აკადემიურ/სამეცნიერო სფეროში საქმიანობის ისე პრაქტიკის კეთების თვალსაზრისით. მას შეეძლება სწავლის გაგრძელება დოქტორანტურაში. რაც შეეხება პრაქტიკას, სოციალური მუშაობის მაგისტრს შეუძლია დაიკავოს მენეჯერული პოზიციები ყველა იმ სახელმწიფო თუ კერძო სააგენტოში, რომლებიც სოციალურ სერვისს ახორციელებს სხვადასხვა სფეროში (ბავშვთა კეთილდღეობა, პენიტენციალური სისტემა, უნარშეზღუდულთა რეაბილიტაცია, მოხუცებზე ზრუნვა, ნარკომანთა და აივ/შიდსით ინფიცირებულთა ადაპტაცია და სხვ.).

იმ პირობებში, როდესაც სოციალური სამუშაო ხდება რეგულირებადი პროფესია, ე.ი. ექცევა სახელმწიფოს პატრონაჟის ქვეშ, მოთხოვნა სოციალური მუშაკებზე სულ უფრო გაიზრდება, რაც, ცხადია, დასაქმების გაცილებით უკეთეს გარემოს შექმნის.

ნ) დამატებითი ინფორმაცია: პროგრამას შეუძლია მოემსახუროს საშუალოდ 30–მდე სტუდენტს ყოველწლიურად.

სწავლის გაგრძელების საშუალება: სამაგისტრო პროგრამის სწავლის შედეგი უზრუნველყოფს კურსდამთავრებულის შემდგომ საფეხურზე - დოქტორანტურაში სწავლის გაგრძელების საშუალებას.

პროგრამის ფინანსური უზრუნველყოფა: სამაგისტრო პროგრამის ფინანსურ უზრუნველყოფას ახდენს თსუ.

დანართი #: ინფორმაცია პროგრამის განხორციელებისათვის აუცილებელი მატერიალური რესურსების შესახებ:

სოციოლოგიის მიმართულებას ემსახურება თსუ-ს სოციალურ და პოლიტიკურ მეცნიერებათა ფაკულტეტის მატერიალურ - ტექნიკური ბაზა;

უნივერსიტეტის რესურსცენტრები;

თსუ ელექტრონული სწავლების პორტალი;

ელექტრონული ჟურნალები და ბაზები;

უნივერსიტეტისა და სოციალურ მეცნიერებათა ფაკულტეტის ბიბლიოთეკა;

სტუდენტის რეგისტრაციისა და სასწავლო პროცესის მართვის საუნივერსიტეტო ქსელი;

გარდა ამისა, სოციოლოგიის მიმართულების რესურსცენტრი, რომელიც მოიცავს: ექვს გარემონტებულ ოთახს (ფართი დაახლოებით 140 კვ.მ.); ბიბლიოთეკას, დაახლოებით 1400 წიგნით სოციალური მეცნიერებების სფეროში; 22 უახლესი მოდელის კომპიუტერს; 24 საათიან ინტერნეტ მომსახურებას (DHL ქსელი); 5 პრინტერს; ქსეროკოპირების მანქანას; პროექტორს; ფაქსს, სკანერს და ა.შ.

რესურსცენტრი ღიაა 9-დან 18 საათამდე სამუშაო დღეებში. რესურსცენტრის მომსახურებით ყოველდღიურად სარგებლობს 50–ზე მეტი სტუდენტი

სოციალური მუშაობის სასწავლო გეგმა
(მაგისტრატურა)

120 კრედიტი (ECTS)												
N	სასწავლო კურსის დასახელება	კრედიტების რაოდენობა ECTS	სტუდენტის საკონტაქტო მუშაობის საათები სემესტრში		სტუდენტის დამოუკიდებელი მუშაობის საათები სემესტრში			დასკვნითი გამოცდის ჩაბარება	საგანზე დაშვების წინაპირობა	სწავლების სემეტრი		ლექტორი/ლექტორები
			ლექცია	სამუშაო ჯგუფი / პრაქტიკუმი	ლექცია-პრაქტიკუმების მომზადება	შუალედური გამოცდის/გამოცდების მომზადება	დასკვნითი გამოცდის			შემოდგომა	გაზაფხული	
	სავალდებულო	სულ 40										
1	სოციალური მუშაობის გაღრმავებული პრაქტიკა	10	60	30	86	30	40	4	სოციალური მუშაობის შესავალი	✓	✓	ნ. რუხაძე
2	ადამიანის ქცევა სოციალურ გარემოში (I, II)	10	30	60	80	34	40	3	წინაპირობის გარეშე	✓	✓	თ. მახარაძე
3	სოციალური მუშაობა და სოციალური პოლიტიკა	10	30	30	122	40	26	2	წინაპირობის გარეშე	✓	✓	ნ. შატბერაშვილი
4	სოციალური კვლევის მეთოდები(I,II)	10	30	30	150	16	18	6	წინაპირობის გარეშე	✓	✓	ი. კაჭკაჭიშვილი
	არჩევითი	სულ 35										
5	სოციალური ადვოკატობა	5	15	15	60	15	18	2	წინაპირობის გარეშე		✓	მ. შალაშვილი
6	სოციალური მუშაობა და ბავშვთა კეთილდღეობა	5	15	15	28	25	40	2	წინაპირობის	✓		ს. ნამიჭეიშვილი

									გარეშე			
7	კლინიკური გერონტოლოგია	5	15	15	58	15	20	2	წინაპირობის გარეშე	✓		ნ. ფარცხალაძე
8	საზოგადოებრივ ჯგუფებთან (თემთან) და ორგანიზაციებთან სოციალური მუშაობის პრაქტიკა: მაკრო პრაქტიკა	5	15	30	40	17	20	3	წინაპირობის გარეშე		✓	თ. მახარაძე
9	სოციალური მუშაობა შშმ პირებთან	5	15	15	60	15	18	2	წინაპირობის გარეშე	✓		მ. შალაშვილი
10	სოციალური მუშაობა ჯანდაცვის სისტემაში	5	5	15	15	63	12	17	წინაპირობის	✓		ზ. ტატანაშვილი
11	ფსიქიკური ჯანმრთელობის პოლიტიკა	5	15	15	45	22	25	3	წინაპირობის გარეშე		✓	თ. მახარაძე
12	ევროგაერთიანების სოციალური პოლიტიკა	5	15	15	58	15	20	2	წინაპირობის გარეშე	✓		ა. დიაკონიძე
13	კულტურული კომპეტენტურობა და სოციალური მუშაობა	5	15	15	43	15	20	2	წინაპირობის გარეშე	✓		ზ. ტატანაშვილი
14	სოციალური სამსახურის სახელმწიფო პოლიტიკა და პრაქტიკა ტრეფიკინგის წინააღმდეგ ბრძოლაში	5	30	30	49	10	12	2	წინაპირობის გარეშე	✓		თ. ყუფუნია
15	საერთაშორისო სოციალური სამუშაო	5	15	15	60	15	18	2	წინაპირობის გარეშე	✓		ნ. შატბერაშვილი
16	სოციალური მუშაობა მავნე ნივთიერებებზე დამოკიდებულ პირებთან	5	15	15	60	15	18	2	წინაპირობის გარეშე		✓	ზ. ტატანაშვილი
17	ფსიქიკური აშლილობები და სოციალური მუშაობა (1,2)	10	30	30	150	16	18	6	წინაპირობის გარეშე	✓	✓	ია შეყრილაძე
18	სოციალური მუშაობა და	5	15	15	60	15	18	2	წინაპირობის გარეშე		✓	ს. ნამიჭეიშვილი ქ. ხუციშვილი

	არასრულწლოვანთა მართლმსაჯულება											
19	სოციალური მუშაობა სისხლის სამართლის მართლმსაჯულების სფეროში	5	15	15	60	15	18	2	წინაპირობის გარეშე	✓		ს. ნამიჭეიშვილი ქ. ხუციშვილი
20.	სპეციალური ინგლისური სოციალურ მეცნიერებებში	5	15	15	60	15	18	2	წინაპირობის გარეშე	✓		ნ. ბოლქვაძე
	სავალდებულო კომპონენტი - პრაქტიკა და სამაგისტრო ნაშრომი	სულ 45										
21	სოციალური მუშაობის პრაქტიკა	15							წინაპირობის გარეშე	✓	✓	ს. ნამიჭეიშვილი
22	სამაგისტრო დისერტაცია	30										

პროგრამის ხელმძღვანელის(ების) ხელმოწერა _____

ფაკულტეტის ხარისხის უზრუნველყოფის სამსახურის უფროსის ხელმოწერა _____

ფაკულტეტის სასწავლო პროცესის მართვის სამსახურის უფროსის ხელმოწერა _____

ფაკულტეტის დეკანის ხელმოწერა _____

უნივერსიტეტის ხარისხის უზრუნველყოფის სამსახურის უფროსის ხელმოწერა _____

თარიღი _____

ფაკულტეტის ბეჭედი